



UNIVERSITÄTS-
BIBLIOTHEK
PADERBORN

Vita Et Doctrina Jesu Christi

Avancini, Niccolò

Coloniae Agrippinae, 1689

Epiphania. Christi Domini.

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

De Magorum ad vocationem cooperatione.

1. **V**idimus: Matth. 2. Non soli tres, fortè alii omnes in eadem regione derunt stellam: soli tamen tres eam secuti sunt. Verè *multi sunt vocati, pauci vero electi*. Quot stellas Divinarum inspirationum tibi misit Deus! quàm paucas es secutus. Dole, time, ora plures, & stude vocationem tuam certam facere per bona opera-

2. *Vidimus: venimus*. Ut viderent, Deus dedit; quod venerint de suo addiderunt. Frustra est gratia, ubi non est cooperatio. Vide ne gratia Dei in te vacua sit. Nullam negliges, quia forte quævis est ultima.

3. *Vidimus: venimus*. Inter videre stellam, & venire nihil interponitur: statim enim vocantibus Deo obediverunt, non retracti tam multorum exemplo, quos cura carnis, affectus propinquorum, propria commoda retinebant. Dilce non differre deus, si lumen habes. Rumpe vincula terrenorum affectuum,

✱ ✱
- ✱
-

DIE VIII. JANUARI.

De egressu ex Patria, & itinere Magorum.

Vidimus: venimus Matth. 2. Non ignorant itinerum molestias, terræ, & aëris injurias: fortè & plura sibi præfigunt animo, & tamen iter aggrediuntur. Magna generositas! Hæc volentibus ad Deum ire semper est necessaria. Hoc enim iter molestiis non caret Confortare ergo, & esto robustus, ac generosas capere resolutiones Deo confisus

2. *Vidimus: venimus.* Iter ineunt quia vocati, quo? ignorant. generosè, & intrepidè se Divinæ committunt vocationi. Fiducia illa stellam ducem merita est. Quam sæpè times aliquid aggredi, quia evētum nescis. Ubi credis Deum velle, resolve te, fide: qui dedit velle, dabit & perficere

3. *Vidimus* Considera quis per iter fuerit eorum sensus, habito semper præ oculis stellæ miraculo? quæ Deo gratiæ? quæ in adversis patientia? quod Christi desiderium? quæ cum inveniendi cura? Confundere, quod cum tot luminibus tam parvum habeas desiderium Christi, & inveniendi curam. Grätias age pro luminibus, ora plura, & efficaciam, sequi statue,

DIE